

**Balūwa wa yība  
nino Pōlo ukpikilya ndi  
Batesalonika  
Likpūmuka la mambwa**

Balūwa wa yība nino Pōlo ukpikilya ndi bakilisito ba Tesalonika nīmū. Akautumbūya bata beyo Kilisito igoku ndeke mino, na beyo mulibo ma obili ka batū bi nibo babinikyana Yeso ika ndeke goni mino. Batū bemoti-bemoti ka gūfū yi nino babikyaga be Kilisito igoniku ndi, batū bagogo be kegū beyo, luki limoti, lisyē li a kūwa ūuwobi.

Nibo babikyaga be lisyē li a kūwa ūuwobi, bakapagigū bata kagya ligubo, banabikya be ligubo kegū na izangiya. Luki limoti, bagaga kalyalya ka batū nibo bagyaga ligubo. Kinili, Pōlo ukpikilya ndi be mutū yikaka-yikaka okwononi kaikō bungu kye alyalyi. Ubikya goni be ūigwinonogi na baya aka, ko ngbingo wa bukpeki-kpeki bika kagya ūunza aka.

**Yigbananaga ya kitabu yi niyi:**

Yuuso 1:1-2

Yigoku ka Yeso obungusya ndeke makpūmuka masi 1:3-12

Mombukwono-dosu kanigikugū mbeyi 2:1-12

Kaigwinonogo yapū ka baya 2:13-17

Malūmba na ligubo 3:1-15

Yuuso ya mulibo 3:16-18

*Yuuso*

<sup>1</sup> Imi Pɔlo pa imoti na Silivano ibɔ na Timotio, tamumuusogito ibunu bomomосу ba Kanisa ya Tesalonika. Tamukpikilyi ibunu balɔwa yi nimɔ, Kanisa niyɔ ko Kunzi Obosu na Mombukwono-dosu Yeso-Kilisito. <sup>2</sup> Obosu Kunzi na Mombukwono-dosu Yeso-Kilisito bamudfukilyi iziyɔ na maziyɔ.

### *Kunzi akɔtɔ ndeke ngbanga ka bambanzɔ*

<sup>3</sup> Bomika-mama, tokwononi kamigisya Kunzi ibiba bongbinga basi ko bulya kunu. Okwononi tagyi beyɔ kye baya kunu akopingo, na sipananisɔ nisɔ ma nosu luga kunu akaidukulogo begeyɔ. <sup>4</sup> Kinili, ta na bugindo ko bulya kunu kambwa wa Makanisa ko Kunzi, ko bulya limbengi kunu linda na baya kunu gutugɔ makaigyogyiso na kalya kumbu. <sup>5</sup> Masi nimo akowonisilo be Kunzi opungini kako ngbanga ka bungbingbili, kye yigyogyiso amuitiso ndeke bukwanana kaingyo ka Bungama kaki. <sup>6</sup> A beyɔ, Kunzi a wongbingbili. Ugyogyisa ndeke batɔ basi nibo bakamugyogyiso begeyɔ, <sup>7</sup> ibunu bi nibo makaigyogyiso, amuyukumisatɔ pa imoti na ibusu. Agya ndeke beyɔ wa Mombukwono-dosu Yeso ipupisa ndeke mino kɔgɔ wa lisyɔ pa imoti na bamalaika kaki bo ngu, <sup>8</sup> odoku ndeke luga wa lidada lo buku, ugyogyisa ndeke batɔ nibo bakayaga kamiba Kunzi na nibo bakabailyagɔ Mongoni Manza ka Mombukwono-dosu Yeso. <sup>9</sup> Yigyogyisa kabɔ ika ndeke putikana ya benze na benze, bakinigɔ ndeke miso ka Mombukwono-dosu, ubisa ndeke byi no ngu kaki ya ibiba. <sup>10</sup> Ka lisyɔ li nibo odoku ndeke mino,

batu basi nibo ba ka mutili kaki, babibisatu ndeke na nibo babinikyana ndi, noku udika bide. Ibunu goni mika ndeke pa imoti na ibu kye mobinikyononi ndi mongoni nimo tamubikyaga ndi.

<sup>11</sup> Kinili, tikaga bongbinga basi kamukungulya. Takakunga Kunzi ambe amutisi batu nibo bokwononi ka obili nino amamakaga mino. Pisi ko ngu kaki, amusingyi kotulyoso musasa kunu manza na ligubo kunu ka baya. <sup>12</sup> Kika beyo, lino ka Mombukwono-dosu Yeso avatu ibiba, na iyi amupatu goni ibiba. Niyoyasi a iziyo ko Kunzi na Mombukwono-dosu Yeso-Kilisito.

## 2

### *Kambwa wa yigoku ka Mombukwono-dosu*

<sup>1</sup> Bamamaki, ka nilo ondi yigoku ka Mombukwono-dosu Yeso-Kilisito, na mumukana kusu ka kpolo kaki, takamukunga ambe: <sup>2</sup> mumbanzu kamubikya be lisyε la kigoku ka Mombukwono-dosu itulyonini, wikoni mambengi biduuu, makobongonitogu. Gutugu bakika kanzina pisi ka bugyalandu ikani pisi ka bomongoni ikani pisi ka balwa be apunya ku kusu, makobinikyononitogu. <sup>3</sup> Mumbanzu kamubonitogu gutugu ko pisi imoti aka. A beyo, kambwa lisyε li nilo kaitulyana, batu budingi bakya ndeke likpamuka ko Kunzi, kumbuso yi, Muga-manyε nino apatikana ndeke ka mulibo, ipupisoku se kuwa. <sup>4</sup> Amuya ndeke makpamuka masi nimo bobibisaga abe kika nimo ko Kunzi.

Inda ndeke kaisopisogo ka Ndabũ ko Kunzi, abikya bẽ iyi ni Kunzi.

<sup>5</sup> Makegũ b̄ata katamana bẽ namũtambulyatũ ndi likp̄amũka li nili, ngbingo yi ninũ na ndi mino ku kunu? <sup>6</sup> Makaiba luki tino lo akakpingba Mũgya-manyẽ yi ninũ mbiya wanũ. Iyi odoku ndeke ko ngbingo ninũ aka no Kunzi abisilya ndi. <sup>7</sup> Gatũgũ b̄eyo, iyi Mũgya-manyẽ yi ninũ opungoni ndi ligubo kaki b̄ipele. Luki limoti, opuponoku ndeke iba matũ yi ninũ akakpingba mbiya-mbiya yi nimũ kegũ b̄ata. <sup>8</sup> Niyo Mũgya-manyẽ yi ninũ ipupisa ndeke, Mombukwono-dosu Yeso amwo ndeke na oũũ wa mũnokũ aka, alumwisogo no ngu niyo ipupisoku ndeke noyu. <sup>9</sup> Mũgya-manyẽ odoku ndeke no ngu ka Abili, agya makp̄amũka mũmbanga-mbanga dididi, mokingyosi na makp̄amũka ma b̄ongõ. <sup>10</sup> Agya ndeke makp̄amũka manyenye ka b̄opisibi bayasi kaũbo batũ nibo bokwononi kobungogo. Bobunganga ndeke kye bakabailyagũ ndi na kapa likp̄amũka la lingũũ nilo akwanana ndi kauhukuso. <sup>11</sup> Kinili, Kunzi utikilyoni kũwa ngu ya kũb̄ob̄okũ kaubungusogo b̄ekye b̄abinikyani likp̄amũka la b̄ongõ. <sup>12</sup> Kinili, b̄umakyatũ ndeke ka mũngimbo batũ b̄asi nibo bakya ndi kabinikyana likp̄amũka la lingũũ, b̄anogwa magyagya ka likp̄amũka lanye.

*Kunzi amupunogoni ndi kainiso na muhukuso*

<sup>13</sup> Bamamaki, ibusu, tokwononi kamigisya Kunzi ibiba bongbinga b̄asi ko bulya kunu yi nibo Kunzi amũpa. A b̄eyo, Kunzi amupunogoni

ndi ibunu katukya ka mupunganagi ma obili kye minisoni na muhukuso. Limbengi-Lotu amububisatu kye baya kunu a ya kiguma ka likrumaka la linguna. <sup>14</sup> Kunzi amamakaga ndi kaika beyo pisi ko Mongoni Manza nino tamubikyaga ndi. Iyi apa ndi be winisononi na ibiba ka Mombukwono-dosu Yeso-Kilisito.

<sup>15</sup> Kinili bamamaki, wigwinonogoni na wikoni bakitulya ka mutuu nimo tamupa ndi, iki pisi ka manzina ikani ka balwa kusu.

<sup>16</sup> Kunzi Obosu nino atipa ndi, na pisi ka iziyo kaki, atitumisaga mambengi bongbinga basi, atipa mutamanagi manza. Takaunkunga pa imoti na Mombukwono-dosu Yeso-Kilisito bikpe ambe, <sup>17</sup> bamutumisi mambengi, bamupa ngu kagya masye masi likrumaka lanza pisi ka yigya yanza na manzina.

### 3

#### *Polo akakunga be bulumbilyi*

<sup>1</sup> Bamamaki, ka mulibo, tilumbilyoni kye likrumaka ka Mombukwono-dosu itulyani bigala-gala ka bapa bayasi na avi ibiba, madongoni beyo o mino kaigyonoso ku kunu.

<sup>2</sup> Tilumbilyoni goni Kunzi kye atikulagi ka maboku ka batu banye na bufiya. A beyo, kegū batu basi bo ba na baya.

<sup>3</sup> Luki limoti, Mombukwono-dosu a mutuu walinguna, amutumisatu ndeke no ngu, amubuulyogo ka Muga-manye. <sup>4</sup> Tabakiguma ku kunu pisi ka Mombukwono-dosu. Ta na baya ambe makagya nilo tamubiky na midukulogo kagya yi. <sup>5</sup> Mombukwono-dosu okpokyonisi

mambengi kunu, mika na sipananiso no Kunzi, mika na adala munda madingoni abe Kilisito.

*Okwononi matu wasi agyi ligubo*

<sup>6</sup> Bamamaki, takamabikya ko lino ka Mombukwono-dosu Yeso-Kilisito ambe makosyonitogu ka madingo ka batu basi nibo bakapagigu ligubo na nibo bagegu kabye matu nimo tamapa ndi. <sup>7</sup> Ibunu bamombukwono-donu makaiba binza beyo makwanano mino kabye yigy kusu. A beyo, ibusu takegu ndi bavivo ngbingo yi nino tikaga ndi mino pa imoti na ibunu. <sup>8</sup> Takegu ndi batu bakikukungya luga kunu. Luki limoti, tikogo ndi bungu bikya, tupo bidapada. Tigugubyaga ndi biti na lisy kye mambanzu gutugu bemoti aka kobinikonitogu buti kusu. <sup>9</sup> Takwananatu ndi kamakunga be tisingyoniku, luki limoti, takagyagigu ndi beyo, kye ta ndi na musasa be tamapa likingyosi be gyogoni abe ibusu. <sup>10</sup> Kinili, ngbingo yi nino tikaga ndi mino ku kunu, tamapaga ndi matu be: «Mambanzu kakya kagya ligubo, kolyolyonitogu begayo.»

<sup>11</sup> Luki limoti, takaunkana mbiya yi nimu be luga kunu batu bagogo bikaga payaya, bakapagigu ligubo, ligubo kabu kuwa asi ni banvenve aka. <sup>12</sup> Takaunkpamy inguo ya batu bi nibo na kaupapa matu ko lino ka Mombukwono-dosu Yeso-Kilisito ambe bagyi ligubo bongbinga basi, ko bulya yibinika buti kabu ka bamombukwana-dabu.

<sup>13</sup> Ibunu, bamamaki, makuponitogu kagya bunza. <sup>14</sup> Mambanzu koboilyi kabye matu

mi nima tamupí ka balúwa yi nímú, mumiboni bínza, makasyonitogú ka mǎdǎngǎ kye imákani suni. <sup>15</sup> Makavonitogú se abe mumuyoniso, luki limoti, mupóni mǎtǎ mǎdǎngǎni abe momonu.

*Bǎbǎnga na yuuso*

<sup>16</sup> Mombukwono-dosu ninǎ a mombukwana maziyo, amudukilyi maziyo bongbinga basi na ka bopisi bayasi. Mombukwono-dosu iki pa imoti na ibunu basi.

<sup>17</sup> Imi Polo bikpe nǎ namukpikilyi likpǎmǎka li nili ambe namumuusogito. Nobisaga mǎbǎkǎ ka babalúwa kami basi beyǎ, mǎbǎkǎ kami nimǎ.

<sup>18</sup> Izio ka Mombukwono-dosu Yeso-Kilisito iki pa imoti na ibunu basi.

**AGUMÉ WAMBIYA**

**Lika: AGUMÉ WAMBIYA (New Testament+)**

copyright © 2019 Wycliffe Bible Translators, Inc.

Language: Lika

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
f796df90-b7da-5393-9b93-c756eba4e5d6